

Proposta á Mesa do Parlamento de Galicia en relación ao Rexistro de actividades de tratamento de datos de carácter persoal do Parlamento de Galicia.

Por acordo da Mesa do Parlamento de Galicia, do 20 de marzo de 2019, aprobouse o Rexistro de actividades de tratamento de datos de carácter persoal do Parlamento de Galicia.

1.-Téndose constatado que en determinados procedementos parlamentarios resulta preciso contemplar a cesión de datos de carácter persoal, como é o caso das conclusións das Comisións de investigación das que se lles poderá dar traslado ao Ministerio Fiscal e órganos xudiciais, cómpre modificar a actividade de tratamento denominada “xestión de procedementos parlamentarios”, do seguinte modo:

a) Onde figura,

CATEGORÍAS DE INTERESADOS

Parlamentarios, persoal grupos parlamentarios, persoal da administración do Parlamento de Galicia, e cidadáns ou autores de peticións ou que eventualmente figuren no texto das iniciativas presentadas por Deputados ou Grupos Parlamentarios, ou nos acordos adoitados polos órganos do Parlamento.

Debe figurar:

CATEGORÍAS DE INTERESADOS

Parlamentarios, persoal grupos parlamentarios, persoal da administración do Parlamento de Galicia, cidadáns, e persoas autoras de peticións ou que eventualmente figuren no texto das iniciativas presentadas por Deputados ou Grupos Parlamentarios, ou nos acordos adoitados polos órganos do Parlamento.

b) Onde figura,

DESTINATARIOS

Os datos de carácter persoal poderán ser publicados na páxina web, Boletín Oficial do Parlamento de Galicia e/ou no Diario de Sesións.

Non están previstas cesións de datos.

Non están previstas transferencias internacionais de datos.

Debe figurar:

DESTINATARIOS

Os datos de carácter persoal poderán ser publicados na páxina web, Boletín Oficial do Parlamento de Galicia e/ou no Diario de Sesións.

Non están previstas cesións de datos, agás, se é o caso, nos supostos legalmente previstos ao Ministerio Fiscal e órganos xudiciais.

Non están previstas transferencias internacionais de datos.

2. Por outra parte, vistas as recomendacións da Axencia Española de Protección de Datos (AEPD), faise preciso incluír unha nova actividade de tratamento no dito Rexistro de actividades, que figura no anexo desta proposta, referida á xestión e avaliación das brechas de seguridade dos datos de carácter persoal, que cómpre notificar á autoridade de control e, de ser o caso, ao interesado, en cumprimento do disposto nos artigos 33 e 34 do RXPd.

3.- Ademais, co fin dar unha maior axilidade aos procesos derivados das actividades de tratamento, considérase conveniente que por parte da Mesa do Parlamento se faculte á Oficialía Maior para efectuar as modificacións que no sucesivo sexan precisas efectuar no Rexistro de tratamento de datos de carácter persoal, sen prexuízo do seu posterior informe á Mesa do Parlamento de Galicia.

En consecuencia, á vista do disposto no RXPd, na Lei Orgánica 3/2018, de 5 de decembro, de Protección de Datos Personais e garantía dos dereitos dixitais e nos artigos 30.1.2. do RPG e 17.a) e 12. 1. n) do Regulamento de organización e funcionamento da Administración do Parlamento de Galicia (BOPG núm. 657, do 10 de xuño de 2016), propónse á Mesa a adopción do seguinte ACORDO:

1.º) Aprobar a modificación do Rexistro de actividades de tratamento de datos de carácter persoal do Parlamento de Galicia, referido ao tratamento de Xestión de procedementos parlamentarios, nos termos indicados anteriormente.

2.º) Aprobar o rexistro da actividade de tratamento denominada “Xestión de crebas de seguridade” e engadila á relación do Rexistro de actividades de tratamento de datos de carácter persoal do Parlamento de Galicia, conforme se acompaña no documento anexo.

3.º) Facultar á Oficialía Maior para realizar as modificacións que no sucesivo sexan precisas efectuar no Rexistro de actividades de tratamento de datos de carácter persoal, sen prexuízo do seu posterior informe á Mesa do Parlamento de Galicia.

Santiago de Compostela, 16 de abril de 2019

O xefe de servizo

Visto e prace

O letrado oficial maior

ANEXO

ACTIVIDADE TRATAMENTO:

27. XESTIÓN DE CREBAS DE SEGURIDADE.

RESPONSABLE

Parlamento de Galicia.

[http:// www.parlamentodegalicia.gal](http://www.parlamentodegalicia.gal)

Enderezo postal: Rúa Hórreo nº 63. 15701. Santiago de Compostela

Correo electrónico ao que tamén poder dirixirse no suposto de querer exercer os dereitos de acceso, rectificación, oposición, limitación ou supresión: **pdcp@parlamentodegalicia.gal**

Teléfono: 981 551 300

DELEGADA DE PROTECCIÓN DE DATOS

Letrada do Parlamento de Galicia, D^a María Aneiros González

Dirección postal: Rúa Hórreo nº 63. 15701. Santiago de Compostela

Correo electrónico: **dpd@parlamentodegalicia.gal**

BASE XURÍDICA DO TRATAMENTO

Tratamento necesario para o cumprimento dunha obriga legal (art. 6.1.c. do RXPDP) aplicable ao responsable do tratamento.

FINS

Xestión e avaliación das crebas de seguridade notificadas polos responsables do tratamento

CATEGORÍAS DE INTERESADOS

Persoas físicas, incluídas as representantes de persoas xurídicas.

CATEGORÍAS DE DATOS PERSOAIS

Datos persoais: Datos de carácter identificativo: nome, apelidos, dirección, teléfono, sinatura.

DESTINATARIOS

Autoridade de control correspondente (Axencia Española de Protección de Datos), a máis tardar nas 72 horas despois de ter constancia dela. Se dita notificación non ten lugar dentro deste prazo, deberá ir acompañada de indicación dos motivos da dilación.

Se fose necesario, cando dita brecha de seguridade supoña un alto risco para os dereitos e liberdades das persoas físicas, comunicáraselle ao interesado, e ás Forzas e Corpos de seguridade do Estado, de selo o caso.

No están previstas transferencias internacionais dos datos.

CONSERVACIÓN DOS DATOS

Os datos conservaranse durante o tempo necesario para cumprir coa finalidade para a que se recolleron e para determinar as posibles responsabilidades que puideran derivarse de dita finalidade e do tratamento dos datos.

MEDIDAS TÉCNICAS E ORGANIZATIVAS DE SEGURIDADE

Avaliación de risco: As medidas de seguridade implantadas para garantir a seguridade dos datos de carácter persoal correspóndense coas previstas no Anexo II (Medidas de seguridade) do Real Decreto 3/2010, de 8 xaneiro, polo que se regula o Esquema Nacional de Seguridade no ámbito da Administración Electrónica, e o Real Decreto 951/2015, de 23 outubro, de modificación do Real Decreto 3/2010.

Responsable de seguridade TIC: Oficialía Maior. Servizo de Tecnoloxías da Información.

Procedementos e sistemas de seguridade: conforme ao disposto na normativa interna de aplicación: “Política de Seguridade da Información do Parlamento de Galicia”.